

栗香四筆

粟香四筆卷七

江陰 金武祥

雅生

國初吾邑徐青牧先生沈潛好學著書十餘種康熙五十五年癸亥卒年八十五余編江陰藝文志以先生所著書目冠 國朝諸家之首近善化唐氏鑒有學案小識待訪錄載雷翠庭先生所作傳云先生名世沐字爾翰家世江陰縣之青山晚號青麓又曰青牧少孤奉母祝太君力學自立補學官弟子見太極

西銘諸書發憤志道歎囿於舉業如井蛙焉其學篤信朱子切已反求務有益於身心其辯別異同抉摘影響之談務歸於下學實踐俾人無惑歧途而後已其虛心抑志不敢自足至耄年如一日先生少時猶及交太倉陸桴亭無錫高彙旃武進馬一庵諸先生往來論學以資其益關中李二曲南遊先生與深談久之二曲曰子學篤而行未廣則答以先生行高而學不醇蓋不苟同類此晚以子恪選拔入都攜之行

遂館焉閉戶讀書日有記注滄柱仇公見而驚歎
言於衆由是安溪李公亟相訂交先生所著四子書
易書詩儀禮周禮春秋孝經小學及明紀諸編統名
之曰惜陰錄當湖手抄其四書中精要語而爲之跋
其爲當世大儒所傾服如此當湖御史罷官先生亦
旋里越年當湖沒先生積學又二十五年八十有三
歲疾革召老友陳克艱與訣遺命勿作佛事息心靜
氣以卒論曰儒者於學術異同非模稜兩可則有爭

氣焉先生無是也斯其爲篤信好學者歟其時克艱
陳先生並起共學繼之則有楊文定公皆同邑人何
江陰風氣之厚也有志者可以知所歸向矣當湖陸
先生書其四書惜陰錄後曰江陰徐子爾翰以所著
四書惜陰錄示予謂之惜陰者其大旨以爲聖賢之
學隨知隨行若知而不行雖讀盡十三經二十一史
徒敝精神其光陰可惜也故嘗深痛舉業之驅人入
鄙欲學者實從事於聖賢之道而勿務空知蓋其旨

與曾子之尊聞行知董生之正誼明道相爲表裏而
每於一章之中三致意焉豈非所謂喫緊爲人者歟
學者誠知其所惜而勉強焉以孔孟之言爲範圍身
心之資而勿視爲爵祿之資以程朱之解爲指點行
道而設勿視爲作文而設知人心道心之辨矣則必
實使道心爲主而人心聽命知理義之性與氣質之
性有殊矣則必實以理義變化其氣質勿徒曰吾姑
辨之姑言之發爲議論可以悅人耳目而已一息勿

敢懈也一言一動勿敢慢也如是可謂不負其陰而
於聖人之道不遠矣雖然徐子所惜亦就知道而不
實用力者言耳若夫甘陷溺於道外孜孜矻矻以聲
色爲可娛以勢利爲可慕以辭章爲可誇以虛無寂
滅爲可樂或援儒以入墨或推墨以附儒其於道也
尙不能知又何論行其爲可惜更何如哉其可不以
陷溺之餘轉而從事於聖人之道哉余不敏少嘗汨
沒於舉業中年竊聞先儒之緒論始若望見涯涘而

未能得其堂奧今髮種種矣尙不免於出入紬繹徐
子惜陰之義不覺惶然汗下遂書於其末以誌仰止
之義願以餘年竭其駑鈍作秉燭夜遊之計以庶幾
無愧於曾子董生之言徐子其尙有以策我哉

倪雲林有自度曲江南春詞云汀洲夜雨生蘆筍日
出瞳矓簾幕靜驚禽蹴破牡丹煙陌上東風吹鬢影
鄧刻朱本此遠江搖曙劍光冷

清閨閣集搖
作遙冷作寒 轆轤水

咽青苔并落花飛燕觸衣巾沈香火微縈綠塵

清閨
集綠

塵作
紛塵

春風顛春雨急清淚泫泫江竹濕

清閼集江竹作江水

落花辭枝悔何及絲桐哀鳴亂朱碧嗟我胡爲去鄉

邑

清閼集嗟我胡爲作嗟胡爲客

相如家徒四壁立柳花入水化綠

萍風波浩蕩心怔營

清閼集風波浩蕩作江波搖蕩

明代諸賢自文

沈唐祝以次屬而和者凡三十九人萬厯間金陵朱

狀元之蕃彙而書之并續和四章江南通志藝文志

中所載江南春集

注吳縣袁表

是也道光間金陵鄧澥筠

制軍督粵時復影鈔朱本而精刻之光緒辛卯二月

余在赤溪得此本慨炎徼之宦游憶江南之春好因
依韻和之非敢步諸鄉賢之後塵亦聊以寄興焉爾
詞云未脫朝衫思苦筍且喜草生公府靜梨兒涼侵
脩竹陰粉牆拂遍垂楊影莫笑炎方官獨冷心跡雙
清湛冰井何年故里歸角巾西風不污元規塵藥
煙寒棟風急杜鵑忽聽啼紅濕江南此口春方及手
翫新詞炫金碧六代繁華記鄉邑相思隱隱青山立
自憐海上如浮萍有客問余何所營

清閣閣集中將江南春詞編入七言古殊誤且附載
秘笈周履靖和詞其題云江南春詞和雲林韻既知
其詞矣而不入詩餘尤不可解清閣閣本與鄧刻字
有不同者已附註于前冷字係押韻而作寒字亦係
集本之誤也

余所見清閣閣集十二卷
爲康熙時上海曹氏刻本

丁杏舫聽秋聲館詞話卷二云江南春爲倪高士自
度曲與宋鑒穆護砂同爲元調雖篇中均七言句然
前後四換韻換頭係三字兩句明明是詞非詩乃詞

譜詞律均未收入後人亦無填用者吾鄉薛國符方伯信辰有賦本意一闕云云丁蓋未見鄧刻本也按鄧刻本影字下空一格故枝山先生記云按其音調乃是兩章而題作三首豈誤書耶後寶華山人袁表邦正編輯時又識云細觀墨蹟本書二首庸人以闕謬增爲三不可厚誣雲林云云夫題作三首固係誤書其實一首分爲上闕下闕并非兩首也觀原唱及諸賢和作命意遣詞可見矣惟詩詞之界極嚴詞中

多七言句者易混入詩辨筠先生故別題高陽臺一
闕耳

江南春詞集均和原韻共四十人余擬重刊并以清
閨閣集附載秘笈之周詞及聽秋聲詞話所載之薛
詞附入之先識於此周詞云春林夜雨朝迷筍桃李
芳菲門徑靜主人寂寂對疏櫺簾外交飛雙燕影峭
寒風雨羅衣冷幾樹梨花開近井社酒歸來倒角巾
欹斜醉步動輕塵 蝶飛忙花信急杜鵑聲裏春衫

濕韶光撚指嗟何及倚樓芳草連天碧幾處笙歌滿
城邑垂楊繫馬風前立請看綠水汎青萍堪笑隨波
空自營

周尙有和詞一首以非次原韻不錄

薛詞云絳口櫻桃玉板筍

百舌啼殘深院靜畫船簫鼓水中煙綠柳鞦韆牆外
影十分春色三分冷玉輪正照梧桐井花前步障葛
綸巾香風十里斷紅塵蝶舞忙鶯歌急麥苗細雨
濛濛濕六朝脂粉悲何及草邊千古燐猶碧笙簧臺
榭仍都邑惟見青山萬仞立韶光駒隙身浮萍舟車

川陸方營營

瞿賡甫觀察自楚寄贈所刻徐子楞明經一規八棱
硯齋集其第二卷有和倪雲林江南春詞題云文待
詔讀倪高士江南春詞而愛之爲繪尺幅寫意并書
和作於後予更愛而和之詞云輕雷殷殷蟄春筍曉
雨絲絲畫樓靜夢中歸路長復長醒來失卻巫雲影
美人無言怨春冷獨抱銀瓶汲深井井乾水濁難洗
巾淚痕點點斑香塵燕來何遲去何疾舊巢泥乾新

巢濕百年堂堂歡莫及王孫未歸草又碧杜鵑勸客
還鄉邑斑驩不來空伫立願將雙蒂安浮萍人生多
情苦營營此竟分作七言二首編入詩集蓋因換頭
三字兩句誤添一字作七字句也未知所謂文待詔
尺幅寫意者尙存否自書和作換頭處何以與朱本
異也

明劉綬字省吾勇略冠諸將後死事亦最烈聽雨樓
隨筆云劉大刀之名聞天下更善袖箭以墨汁亂灑

板扉射之俱中又工詩嘗題佛圖闢云當年先業樹
蠶叢奕葉何堪振父風自信承家慚長子敢云報國
紹元戎兒童舊頌平蠻績父老新傳勦播功武烈謬
叨綿世澤孤忠一脈貫長虹東逐西馳歲又深凱旋
駐馬漫開襟三巴兵革龍泉迴六月烽烟鴈字沉關
塞自惟憐白髮廟廊誰爲報丹心良弓烏盡應無用
緩整魚竿釣海濤

王仲瞿孫子瀟舒鐵雲三君各有西楚霸王墓詩工

力悉敵余曾摘錄於二筆卷三矣近見平湖張海門
太史躬厚堂詩錄有宿遷項王祠詩三首亦頗雄傑
詩云莽莽荒城落照餘亂山邀我此停車更誰子弟
能扛鼎未有英雄肯學書宋義庸才誅亦得范增奇
計笑終疏可憐蓋世如虹氣化作愁雲繞故墟漢王
談笑乞杯羹總念當時北面盟帳下不應留項伯關
中何事斬韓生天亡更爲諸君戮偏成豎子名
想像雄風臨九郡夕陽紅處是彭城苔衣玉座百年

新仍是還鄉被錦身叱咤風雲偏不忍淒涼妾馬轉
相親艤船欲渡餘亭長會體封侯有故人歲歲雞豚
修社事抵他張飲沛宮春

海門太史之配錢杜蕙女史名蘅生有暮春絕句甚
清婉載正始集詩云東風人倚碧闌干露滴枝頭曉
未乾昨夜棉衣剛換却朝來微雨又增寒

余游嶺南十餘年交遊中品學最優者爲汪君芙生
近數年在省過從尤密道義文字相契益深余去歲

沿檄赤溪握別時均以爲會晤不遠書問往返猶各
以詩詞相質乃於今年二月初三日遽歸道山知己
之悲獨學之懼爲愴然者累日朋好輓聯多有佳者
錄之亦可見其生平焉陶心雲孝廉云容甫畢生惟
述學鈍翁垂老益工詩文芸閣太史云抗心古淡處
世元同平生自署無聞子談藝十年論交兩世後死
應題有道碑吳孟棻明經云嶺表來遊與誰論唐宋
詩心齊梁文體南中流寓猶得見容齋隨筆笠澤叢

書葉蘭臺部郎云綺歲記聯吟華嶽潯陽同勁敵騷
壇難振響詞牋賦筆總傷神陶子正孝廉云遺集漢
西冷差喜及身能自定豪情空北海傷心先友已無
多陳子厚太守云桃花潭水冷叢桂小山空胡衡齋
大令云太息聞人不登上壽每懷良友輒誦遺文王
子展刺史云記曾廿載周旋論治觀人有元方康成
之感自有千秋盛業文格書品在聖徵元穎之間余
亦撰聯云有經世才但將名士稱君測君猶淺抱知

已痛曾以循吏目我問我何堪上聯之意君實不愧
諸人均未道及也

廣東新語紀廣州時序云七月初七夕爲七娘會乞
巧沐浴天孫聖水以素馨茉莉結高尾艇翠羽爲蓬
遊泛沈香之浦以象星槎廣東通志廣州府志皆引
之而閨閣中乞巧之盛皆未之及老友汪君芙生曾
作羊城七夕竹枝詞十首以游戲之作未編入稿中
余謂可備風俗之採爲錄于此詩云越王臺畔雨初

停幾處秋光到畫屏好是羅雲弦月夜家家兒女說
雙星繡闥瑤屏取次開花爲屏障玉爲臺青谿小妹
藍橋姊有約今宵乞巧來十丈長筵五色光香簌金
翠競鋪張可應天上神仙侶也學人間時世妝乞巧設長
筵用方几數十其所陳設自瓜果燈燭而外香簌縷
箱中器具幾於無一不備又有織女梳妝盤圓徑數
尺中盛鏡匣衣扇之屬皆用雜綵及砌金五色等箋
製成或出自閨中或購諸市上雖鉅費不吝也廣州
諸邑皆有此風 稻苗豆莢綠成叢費盡滋培一月功
而會城爲最

嫩綠幾層紅一點羊鎧光在翠秧中

一月前以水浸穀豆之屬俟其

發芽約高數寸卽移寘磁盎至七夕陳於筵際中燃
玻璃燈空明四照宋人詞所謂翠色冷光相射者庶
幾近之
小品華粧製最精胡麻膠液巧經營不知翠袖

紅窗下幾許工夫作

去聲

得成

用胡麻小粒及碎剪燈

屬又或作小隊儀仗如旗傘牌扇之類大僅數寸精
巧絕倫曩皆製自閨中近年市肆亦有製就出售者
矣
排當真成錦一窩妙偷鴛杼勝鸞梭何須更向天

孫乞祇覺閨中巧更多約伴燒香歷五更
下階行相看莫訝膏支倦街鼓遙傳第四聲姊妹追
隨上下肩箇儂新試嫁衣鮮嬌癡小妹工嘲諷明歲

何人又謝仙
乞巧皆女郎其新嫁者預於會則謂之謝仙
幾琰清泉汲夜

深銅盤承取寘庭心今年得巧知多少水影明朝驗

繡緘
是夜以盤水寘庭中俾受風露次日浮小花鍼或豆葉於水面觀水中影所成物象爲得巧之

驗
昇平舊事記從前動費豪家百萬錢昔日繁華今

日夢有人閒說道光年
道光中乞巧之風最盛豪門盛族一夕之費或數百金往往

重門洞開外人入而縱觀無呵止者咸豐甲寅以後此風頓衰近十餘年乃漸復舊觀然多閉門以拒

遊人非相識者無由闌入矣

笑生又有道情歌亦遊戲之作然板橋道人所謂喚

醒癡聾銷除煩惱者正不必棄去也並錄於此

歲歲年年人不同 劉希夷 江湖滿地一漁翁 杜甫請

君休說長安事 白居易 乍可狂歌草澤中 高適 自家

山陰道人半世蹉跎百般潦倒三十丈平生豪氣消

磨在瘴雨蠻煙四十年逆旅羈愁生受些曉風殘月

一肩行李已飽經世路崎嶇兩眼昏花早觀透人情

冷暖身歷的朱門蓬戶見更番花落花開眼看他滄

海桑田凡幾度潮來潮去日來老身閒暇信口胡謔

做成幾首道情大抵一時遊戲且請諸公安坐試聽
貧道唱來

走江湖數十年看浮雲過眼前凡人不讀神仙傳蒙
莊坐閤人閒世鄒衍高談海外天把塞翁得失思量
徧謗幾句山謳野曲不勞他鐵板銅絃

看東風柳絮狂到西風槲葉黃樹枝兒也有衰和旺
豐臺芍藥朝承露湘水芙蓉夜拒霜孤芳冷豔誰能
賞算祇有孤山詩句好陪他彭澤壺觴

得時人莫自誇失時人莫浪嗟看閻浮世界般般假
百年隙駟無多日七世華貂有幾家把向來妄念丟
開罷論富貴草頭著露說功名鏡裏看花

算聰明最誤人好文章不救貧被聖經賢傳相句引
十年黃卷成何事一領青衫負此身便雕龍倚馬無
人問一任您文心似錦祇博得衰鬢如銀

建奇謀立大功到頭來也是空名垂青史知何用三
山門外夸擒虎五丈原頭說臥龍時移世換都如夢

試看那大江東去浪淘盡多少英雄

溯周秦說漢唐論人才較短長二千年不少卿和相
風來桐樹多吹倒月落梅花欠主張蠟鎗頭慣做喬
模樣道有甚神通法術總無非鬼混排場

賦秦樓戀楚娥鬪鉛華豔綺羅銷魂若小偏難破稱
心春日紅妝好轉眼秋風白髮多算鶯花歲月恩恩
過投至得美人黃土可能留明鏡青蛾

對花枝把酒杯且高歌且放懷問古來豪傑誰還在

旌旗五色單于塞節鉞三登上將臺終須拋却黃金
帶麒麟冢悲風松柏翡翠樓落日蒿萊

世間萬般都是假只合說漁樵諧高歌茗椀旁團坐
茅簷下俺呵若不遇有緣人也不將漁鼓打

板橋道人所作道情不標宮調其實過曲爲正宮
之耍孩兒煞尾爲雙調之清江引其句調可覆按
也作道情固與譜曲不同而句之短長字之平仄
要亦未可背馳板橋之作尙不離宗後來不無個

錯矣鄙人於九宮諸曲素未究心此又游戲之作
其中舛謬不問可知所冀深於音律者有以正之

爾山陰道人自識

笑生見贈詩云積歲應官鬢未皤詩名久矣敵陰何
成書蘆浦三年住得句梅花五嶺多寓興江山雙蠟
屐論交湖海一漁蓑浣花溪上茝芙蓉在慙愧高軒幾
度過君官於嶺表五羊八桂沿牒往來炎方奧區遊
歷幾遍嘗得南漢石刻五種於容縣都嶠山爲
向來金石所未見比年權鹽梧州成其他往來唱和
書甚富余嘗爲之序皆詩中本事也

之作以一時寄興兩家俱未入稿茲者故人長往遺
墨猶新寸簡小詩都堪珍惜偶留數紙悉付裝池重
錄數首於後

甲申十二月芙生招飲余口占律句云雅集同來問
字車鴻泥何幸聚天涯連宵凍雨難成雪一樹寒梅
已著花且喜著書多歲月未容却聘老煙霞酒酣閒
話滄桑事怕聽聲聲海上笳芙生和云陋巷來停長
者車相從何似水雲涯消寒夜卜深杯酒勸客春催

老樹花五嶺鄉愁懷臘雪

廣州無雪

一飯村釀愧流霞新

來賸可膏騰醉莫問高城急暮笳嗣復四疊前韻見

贈詩云碾冰爲柱玉爲車才思知君未有涯半世程

功深楮葉一時蜚譽並棠花

謂詰昆逸亭廉訪

文心妙散千

重錦仙骨疑餐六氣霞更有清豪詩境在山城長笛

塞垣笳自笑生平下澤車閒從詩酒託生涯論交蘭

有同心契耐冷梅無仰面花我輩自思元度月世人

方詫曼都霞封侯客帳今無夢掩耳南閭鹵簿笳駸

駸歲月轉隨車又見春來瘴水涯我愧仙人餐柏葉
君宜宮閣詠梅花晴光剛燄連江雨物候同驚出海
霞滿耳迎年簫鼓盛好將和氣壓邊笳夢渾忘鼠
穴車安知世事浩無涯且沽野店雪梨酒
雪梨廣州酒名
賞小庭山茗花閉戶種松賒歲月入山劖藥愧煙霞
朝來差幸酣眠足高枕不聞吹曉笳

笑生之從兄竺生司馬名琬懷吾孝廉之尊人也老
於幕府屢佐軍事建奇猷多陰德著省齋隨筆及古

香樓詩鈔詩有雄傑者航海云乾坤幾許大吾乃浮
滄溟長鯨一跋浪兩耳聞雷鳴千山互顛蕩六合如
欹傾蒼天無正色白日忽倒行腥風空際來萬怪齊
砢訇我命固窮薄入險意亦驚風濤忽止息天水還
澄清世事類如此何待桑田更柁樓一取醉仰視星
斗橫又有幽峭者夜坐竹林獨酌云向晚微雨過脩
竹滿庭戶北風動清影搖亂不可數蛩響止復作月
輪翳還吐於此進一觴清氣入肺腑未醉風已涼旣

醉月方午倚檻欲忘眠呼童撥茶乳其他斷句五古
云人生百年耳甯堪久蹉跎學貴有所守文乃因之
傳五律云塔影搖春水鐘聲送夕暉天高一雁度燈
暗百蟲鳴七律云春水斷橋雙槳渡夕陽細雨一犁
歸稱心一字足千古轉瞬百年能幾時皆佳句也

竺生司馬之父縵卿先生名雲以舉人官遂昌訓導
性孝友好施與遺詩有枕上吟一卷秋夜絕句云西
風淅淅作秋鳴大似人心有不平我意直如江海濶

舉頭天外自游行可以想其襟抱又有句云屋後青山松影滿門前流水櫂聲多要爲人間扶正氣始知天下有奇才亦磊落可喜

省齋隨筆云余以公牘與其多一事不如省一事而一意求省則省事適成多事又必以隨時隨事省察爲主因自勝其室曰省齋余弟美生銘之曰事有萬殊道惟一靜翳塵外辟靈臺內警目能徹視心不累境如鏡鑑形若裘挈領持衡在中舉燭斯炳曾子有

言吾日三省

又云先高祖雨亭公

仁溥

積學能文僅以明經終公

嘗於除夕徜徉里門忽聞哭聲甚哀詢之則爲索債者逼迫鬻妻以償攜幼子女情不忍割公惻然向索債者反覆開導執不可公念此情可憫而家徒四壁因急歸取所居屋契爲質約曰來年某日償汝錢否則歸汝屋索債者無辭而去公次年竭蹶代償而某夫婦卒賴以全公久困場屋有聞公名欲羅致門下

者與之關節公曰吾守志半生白首顧失節耶拒不
受是科又落第或謂其迂公笑曰吾命不應中關節
何爲且吾子弟奮志讀書詎無成者後長子幼湖公
倫秩

乾隆丁卯果領鄉薦次

倫英

乾隆壬申

恩科

亦中副車幼湖公官江西新喻令以忤權貴罷官
仁廟御極特旨開復原官補授廣東長甯令以清
白著爲克承先志云

雨亭先生有詩餘一卷其元孫某生刊以示余中有

念奴嬌詠浣紗石云苕蘿山畔有當年西子經行遺
蹟霸越亡吳彈指去留得江山片石土漬苔封沙崩
浪齧磊砢難銷蝕一拳千古動人多少思憶甯料
一縷溪紗偶然出浣顯出傾城質今日西村何限女
誰向塵埃物色石倘能言也應似我望古增嗚咽精
靈何在悄然長卧江側下闕有無限感慨

隨筆第二卷錄德清戴子高詩後見其謫磨堂刻稿
多未哀錄近檢友人所贈詩畫冊又得三首神山二

首云海上海山望去非青鐘况復送書稀明知此去
難爲別更恐重來失所依月榭香殘鸚鵡語梧宮春
盡鷓鴣飛瓊漿願就雲英飲淚滿藍橋未忍歸肺疾
纏綿直至今龍宮方劑意何深仙桃卽是千年藥瑤
草甯無一寸心塵揜鏡斂虛炤影弦分玉軫罷調琴
舊巢泥爪留遺迹梁燕歸來何處尋頃刻一首云自
送雲輶已惘然珠沈玉碎况年年缺圓有定徒脩月
離恨難平莫補天宛轉心香含頃刻拋殘密約悔從

前堪嗟。獬犬憎蘭佩，遠道相遺。恐棄捐故人，遺墨亟
備錄之。未知其刻稿亦有此三首否。

又錄游仙詩二首云：廣寒隱約聽吹笙，鳳闕迢遙跨
碧城。明月澹涵仙女影，曼雲深鎖素娥情。瓊華香綰
離魂夢，玉笛吹殘別恨聲。青鳥儻銜檄札去，劉郎可
許返蓬瀛。回首璇宮事已非，銀鐙剔盡半屏彩鸞。
入月仙音杳紫玉成煙，舊夢稀胡蝶影留莊子枕。杜
鵑淚灑絳珠衣，癡情到此隨雲散。一現曇花碧海飛。

後有子高跋云此亡兄澣焮所作質之詞壇未知可
入選否

有傳曹仰山青山店中旅夜不寐金縷曲云轆轤車
聲裏是誰家隔離小犬吠人行李生怕黃昏無處宿
到店客心先喜都歇在茅檐影底濯足篝燈同飯罷
大家兒等夢來邀睡儂獨自尙無寐 打窗落葉緣
何事似風聲雨聲故故攪人不已啟戶階前惟皓月
滿地霜華如水聽一片荒雞四起欲想登程愁太早

剔殘燈守定窗兒紙天曙也可行矣讀此如見旅人
晚宿曉行之景

義烏朱蓉生侍御一新書扇見贈錄其近作數首酬
季度云萬土中有君淵聲廢羣噪幽蘭鬱奇芳寒潭
湛空照騏驥不受羈行空恣騰越長离振文翰搶榆
斥鷃笑闢廬城闔西繚曲文心肖悅魂奇卉羅挂眼
塵事少閒尊撰靈辰接軫赴嘉召狂言縱滂葩元談
契窠突嚴城更鼓執主賓巨觥酬我生支离疏論議

迓時好方心孰能鑿孤景祇自弔言尋遂初賦偶與
愉嶺驕新知屢投轄澹交寡贈綈落落平生心爲君
一傾倒挂席牂柯江离緒不可埽夢魂慮或阻深情
託墨妙想見落筆初毫端風雨嘯賄貽珍琅玕什襲
儷圭璋作詩紀曩遊詎惜吟癡誚願置君裘袖永好
匪云報筆力堅卓胎息杜韓又次坐秋韻云平生苦
讀劉蕡傳災沴虛陳中壘書郎署一官容偃蹇罪言
三策共欷歔鄉心頻覺榮歸櫂舊夢長應戀屬車聞

道上林遊獵美肯將詞賦薄相如又次韻心質云放
棹頻年潞水瀕秋風長憶越溪蕓君恩許遂烏私
願忍把頭銜署檄人二詩言婉而摯詩人忠愛情見
乎詞

同郡馮少山大令有銘蒼軒詩二卷舟中雜感第一
首云寒風吹月上孤城野戍蒼茫畫角鳴萬木含秋
生遠籟大江終古送潮聲唾壺擊碎看時局寶劍橫
磨壯此行一片岳陽樓下水照人肝膽最分明山居

卽事云茅檐短短抱川斜屋角牽藤蔓結瓜荒徑雨
深苔篆蚓亂林風起葉飛鴉家無食客偏供鶴出不
收租只稅花何必山中尋樂去床頭便自有煙霞摘
句五言如舟隨飛鳥下城傍亂峯開一水蕩孤月亂
山迎夕陽山多鄉夢亂花落故人來雲含半江碧煙
補一峯青雨疲紅日健石瘦白雲肥濃霜千樹紫落
日萬山青雨螢穿暗竹風蝶抱孤藤七言如流水穿
橋剛到寺遠山出郭正當樓嵐氣濕衣晴亦雨軒窗

近水夜先秋書無可貸眞愁事花未忘澆卽佛心好
友疏來如久別舊書重讀似初看山路盤雲人似鳥
僧門臨水屋如舟事從回想方成誤身到求人始覺
難愧我獨生千載後笑人同盡百年中本無家計歸
先怯薄有才名數便奇瞥眼輕帆飛似馬當頭峭壁
立如人磴懸雲外千盤曲天入山凹一甕圍皆神似
放翁大令名最辛卯舉人壬子進士歷仕山西湖南
凡十年又著有談屑四卷

銘蒼軒又有閨怨詩序云都下作消寒會同人拈此
題限溪西雞齊啼爲韻中用一二三四五六七八九
十百千萬丈尺等字爲成四律今錄其一云六曲圍
屏九曲溪尺書五夜寄遼西銀河七夕秋填鵲玉枕
三更冷聽雞道路十千腸欲斷年華二八髮初齊情
波萬丈心如一四月山深百舌啼

如皋冒公伯蘭咸豐二年宰乳源勦土賊爲革役投
賊者所害臨歿謂諸子曰刺我者左目下有黑子汝

等記之爲我復讐後十數年其弟四子筱珊太守復
宰是邑賊遁歸仍竄名爲縣役視左目下果有黑
子廉得其實遂擒治之并其黨數人斬于市剖心以
祭有前死者斲棺戮其屍時同治七年也同人歌詠
之太守刊枕干錄贈言二卷陳蘭甫京卿詩云如皋
冒侯字伯蘭咸豐二年宰乳源勇往捕賊深入山縣
役通賊戕其官

解一

冒侯垂死告小冒侯爾記父之讎

左目下有黑子爾斬其頭

解二

小冒侯哭受命越十餘

年復爲乳源令

三解

父讎得矣縛之如縛豕如曰不然

視左目黑子

四解

子戮父讎何待告上官捧頭祭父如

薦牲牯

五解

大冒侯之靈冥冥中能殺賊小冒侯之孝

淚漣漣而沾臆曰嗚呼殺仇子之職殺賊官之職

六解

小冒侯字筱珊受

國恩爲好官殺仇一事尤可傳

請付史筆垂不刊

七解

況夔笙舍人以其世父兩人太史所著東齋詩偶存
一帙兒示重陽集陶然亭和韻云縱目憑臨百尺樓

軟紅塵外見清秋客爭選勝來何速詩爲登高興更
適老樹霜催寒葉下遙天雨洗澹雲收今朝莫放佳
時去醉把黃花插滿頭勝事欣逢詠興觴寒山坐對
轉青蒼愛閒難得心如水行樂須乘鬢未霜儘有煙
霞供嘯傲漫從歲月感炎涼拍肩笑問高吟侶天地
能容幾輩狂五古句云素心神與交何異數晨夕又
云於世靡爭逐於人何恩讐七律斷句云幾輩英雄
沈宦海千秋志業在名山歲月消磨書卷裏乾坤笑

傲酒杯中皆有蕭然自得之致

徐伯生紹植爲子遠大守長子出示水南閣詞草少
年遊詞云一江春漲碧迢迢隔岸酒旗招十里鶯花
半溪楊柳小泊漱珠橋 名園綠水年年好雙槳莫
辭遙無賴春風牽情芳草到處惹魂銷湘子橋夜泊
摸魚兒云漸黃昏雨絲風片沈沈天宇催暝扁舟獨
倚湘橋泊橋下水平如鏡人乍靜過不盡咍啞柔櫓
尋春艇韓江夜永看隔岸漁燈半明還滅搖蕩客心

迴揚州夢回首衣香鬢影煙花無限風景南朝金
粉銷魂地往事那堪重省愁莫迸祇付與詩人詞客
閒歌詠蓬窗睡醒但月照鳬汀煙籠鷗渚一枕花邊
冷

甘泉毛墨畝大令昌善留權吳川去歲以浣霞草及
北征南旋諸草見示尙非其全稿也題獨釣寒江雪
圖云浮生原逆旅寄託海天寬風雪雙蓬鬢江湖一
釣竿斯人眞曠達此境愛荒寒我亦尋莊叟濠梁如

是觀自淮南放舟至界首云秋老淮南木葉飛沿堤
衰柳尚依依扁舟一棹孟城驛細雨斜風送客歸

今春廣州時疫流行寅僚亦多謝世余輓陳子厚太
守聯云羊石久同官當年治譜流傳差喜遺書堪不
朽鹿園曾結社此日詞牋零落可憐老友已無多蓋
子厚刻書甚多昔同在藩署設清查局其地爲南漢
故苑遺址中多鹿公暇以長短句相唱和故名鹿園
詞社其詞已畧載二筆卷八矣

第六卷錄常州女士倩影樓詩餘未知其名字嗣陸
惕身孝廉寄示其姑母倩景樓詩詞二卷乃知係陽
湖人名倩字芝仙適謝肅林大使從宦兩浙其稿爲
錢塘金韻仙孝廉繩武以活字板印行亂後程君肖
梅復爲刊本以傳然校余所錄之詞轉少數闕蓋女
史後來所作金氏程氏均未見也女士之戚程君柯
亭跋曰女士事親至孝于歸後伉儷敦篤相敬如賓
雖徐淑秦嘉殆無以過後其夫沈湎于酒漸至狂惑

閨門之內禮敬蓋寡女士怡然受之不以爲忤卒爲
讒言所中焚稿歸毘陵長齋奉母口不言文居三載
賊至常郡豔女士之色欲犯之女士厲聲大罵賊怒
叢刃刺之至死罵不絕口時咸豐歲庚申也嗚呼女
士蓋才德兼備者爰錄其詩數首游虎跑寺云西風
作秋意招我探幽迹一逕迷所之滿目蘆花雪臨流
煮清泉小憩拂苔石倦鳥飛復還寒林自寥寂四顧
皆茫茫斜陽淡空碧樵父云日出上山去日暮下山

行山上斧聲響山下歌聲清坐看流水去笑指前山
橫人迹不到處白雲縷縷生春閨曲云對鏡情悠悠
看花思悄悄花顏經春嬌儂顏經春老擬古樂府云
柳小比儂短送君拂征衣柳長覆儂屋征夫歸未歸
春晚謠云花又飛絮又飛傷春紅淚霑春衣春風歲
歲送春去王孫不歸滯何處梅子青青梅葉落閒坐
蒼苔吹鳳竹樹頭嬌鳥一聲啼落紅亂撲秋千索又
蘭江女兒謠結句云女兒女兒歌且住郎君又上別

船去其他摘句云亂蟬斜日銷魂路歸燕西風送客
亭桃花扇暖清明節杏子衫輕上巳辰缺縮殘燈圓
似豆病懣短夢斷如絲燕子驚回芳草夢鶯兒啼破
綠楊煙秋蟲吟到詩魂瘦塞雁驚回旅夢寒尙留殘
喘難消却未到深秋已斷腸皆可誦也

況夔笙舍人出示紫胡蝶花館詩一卷并云賓州爲
粵西僻壤閨閣中尤鮮以翰墨名者此詩爲陸媛所
作傳本已稀盍載之以闡幽隱余觀卷首王笠舫大

令所爲陸小姑傳其處境與西青散記所載雙卿畧
同其詩怨誹而不怒亦多可紀者傳云陸小姑賓州
人故儒家女也適同里覃六六家操農業甫三日卽
脫簪珥易龍具烏衣隨雜作往若負弩前驅者小姑
苦之願以鍼黹紡績代耨犁之役不許炙酷日淋暴
雨中少委頓則執撲隨之小姑涕泣求死未幾給以
母疾遣歸闔家疑駭訶得其狀輿請復還覃故別議
門戶相當者已有成約力爭不獲銜憤而逃踰年往

偵之則夫已氏在堂而呱呱者蠅且育矣母恚甚戚
郇助之將鳴於官小姑慨然曰是奚以蟲臂鼠肝者
爲也且古之遭流離放廢而鬱鬱不自得者造物者
將假之以千載之名而不必屑屑於是也小姑故嫺
吟詠至是鍵戶下帷與弟讀招社中總角數小童嘔
鴉其間供母甘旨焉滕司訓者拈紫蝴蝶花爲題課
士小姑寄呈一絕滕大稱賞親往詣之如劉柳之造
謝夫人者滕故有霜媳雅好弄筆墨乃卽滕爲師往

未學著者六年而詩日益工然葉晚花初秋陰春暖
未始不悵悵以悲蓋決絕十二年而療作彌留戒其
家人持生平所爲詩及滕先生所更定者走大雅以
博泉壤光時同年盱眙汪君孟棠權篆思恩賓思屬
也姑之猶子瀟洲秀才登太守之堂而親炙焉君一
一丹黃之而余適以事留滯桂林君方乞疾將歸相
見道其顛末甚悉遂預斯事成一卷存詩如千首而
剗剗以傳之嗟夫余觀古詩之詠棄婦者或隱約其

事或徑直其詞大率憫其窮而抒其憤而非有所假借而回護之也小姑以勿任給使重違所天遂至淪棄棄矣而造次顛沛處之恬然非有得罪於其父母鄉鄰者也而卒之天其天年以死悲夫蓋有數焉不可強也抑天固將玉成之與騷人佚士輝映今古是又未可知者也公治長在縲紲中夫子以其子妻之南容三復白圭妻以其兄之子妃匹之際風化之基蓋可忽乎哉

紫胡蝶花館詩皆近體七夕云碧落三秋迴銀河一
綫橫有人當此夕無處問前生白首甘拋棄紅閨憶
誓盟溯從諧鳳卜長願戒雞鳴展廟容初歛宜家句
載廣燈前閨促織雨裏聽催耕砧冷衣頻搗葵香手
自烹暮挑蔬半畝晨汲水雙甕質悴繁憂集勞多痼
疾成霜欺兼雪虐絮弱更塵輕中道郎恩斷罡風妄
夢驚不教柄紫燕眞箇打黃鶯轉石餘奢望呼天竭
至誠眼枯空涕泣心捧未分明大去慙歸壁于飛記

佩瓊已難收覆水祇爲怒翻羹姊妹淒涼色親朋笑
謔聲逐臣千古恨思婦廿年情薄命聊終老微軀以
罪行此儻何所懟遺誤是詩名自遣云大歸真覺做
人難進退還將義命安千古淒涼惟下第一身淪落
等休官樓臺差似仙居好雲壑看他世界寬淡飯糲
衣隨分足吟成七字是金丹皆自道其儻之況其
他斷句呈滕廉齋師云女子才多閨薄命詩人稿定
抵成名看牡丹云最難夜月十分滿況對春風第一

花望月云亭亭倩影空相對皎皎冰心永不磨仙女
石云思婦何年同幻化望夫終古欠分明秋草云何
處蘼蕪重繾綣舊時蘭芷半銷沈菊花云荒徑無人
成獨往新詩有句和歸來中秋對月云天上素娥終
自寡人間青女底須愁其最可悲者與嫂氏夜話夜
半首云秋月春花如夢過哀蟬淒雁半聲吞還餘到
死難明意垂淚傷心不忍言讀之令人酸鼻

友人有以新城陶夢琴女史綠雪樓詩存見示者不

及數十首合江樓云秋色到何早江流合不停水搖
雙塔白山擁一城青帆影淡于霧燈光小似星浮橋
看未遠月上六如亭春寒云一夜春寒漏太遲曉來
妝竟立多時不知簾外春深淺木筆向窗開一枝又
詠珍珠蘭云暗香上雲鬟小字喚珍珠素馨花云月
明珠海夜香帶漢宮春皆清婉可誦稿中有寄外詩
知女適周炳如子名建章云

釋悟帚荆溪人年二十因婦以烈死出家桃溪之心

庵奉母以居孝養終身好爲詩多論時事有齊己貫
休之風而復得力於少陵者庚申亂後雲遊苕湖濱
募資糜活飢民以萬計歿後遺詩二卷名掃葉詩存
龍池月夜云飛來一片月掛我東林松樹影立山鬼
澗光游白龍淒淒發哀籟隱隱起寒鐘清興頗難盡
還登縹緲峯答孫君子成云各有衰親在相期勉此
身艱難謀菽水慘淡向風塵不意窮愁日還爲離亂
人願君投筆起一吐氣輪囷臨城道中云雪浪排空

拍面生船頭高唱過臨城江豚吹雨如人立海鷗呼
風作鬼聲煙樹九華遙隱現雲山三楚漸分明新詩
此去經江澧恐有哀蘭怨芷情斷句五言如短蓬連
夜雨孤枕異鄉情孤窮收實學寒餓鍊奇詩大江流
血浪萬鬼哭沙場七言如斜陽古道傷心色老樹空
山變徵聲凋秋短鬢如殘葉湧酒奇愁似亂雲細水
咽愁啼暗石亂峯作態媚斜陽五言佳者甚多訛言
一首胎息北征均篇長不備錄

掃墓有烏江項王廟詩云天下擲與漢度兮其死生
英雄真蓋世兒女復多情繼楚業成霸亡秦氣已平
何須渡江去重起八千兵此意未經人道

近時湘潭有詩僧俗姓黃名讀山生於咸豐辛亥歲
業農年十一父母俱歿同治戊辰投湘陰法華寺
家名敬安字寄禪有八指頭陀詩五卷壬子秋序之
謂其自然高澹五律絕似賈島姚合五言律似孟郊
惠休特錄數首於此出小吳門至龍潭宿云城居

炎鬱出郭忽超曠雲霞煥朝輝山水發清尚寧條息
綠陰援蘿陟青嶂麋峯遠岬嶸龍潭晴瀉漾仙館樹
百靈崇臺越諸障吹萬理自齊得一神乃王心迹貴
沈冥世情任欺誑松喬去已遙余懷誰與亮詠懷云
去歲展先塋路憩桑樹邊村老向我言此桑齊汝年
汝父昔在時耕此桑下田人牛今無迹茲意復誰憐
感此不能語涕下如流泉露宿云明星爛如燭山鬼
聲相續白雲蒼然來伴我巖下宿晚步碧浪湖上作

云暝色起汀洲蒼茫萬里愁雲垂洞庭野木落蒼梧
秋歲歲雁南渡年年水北流夕陽無限意江上獨淹
留登金山留玉閣云高閣一憑眺蒼茫太古情天疑
入海盡潮欲挾山行芳草金陵渡斜陽鐵甕城鄉關
杳何處向晚客愁生摘句如涼月一渠水殘雲數點
山輕煙疑遠岫疏雨澹斜陽煙中不見寺花外祇聞
鐘秋風欺病骨明月冷吟身倦鳥自知返閒雲不礙
忙雲生遊客屐花落講僧衣涼風引秋意夕磬定禪

心白髮歸心切青山引興長皆自然高澹者也

寄禪詩後復附雜文數首頗有逸致與曾公孫書云
去歲載詣高齋妙飫香積法味方永歸期頓促背彼
雲麓面我煙衡谷籟驚寒溪雲釀雪萬木欲折孤芳
一妍旣而晴曦吐輝玄陰解駁雲膚麗骨霞氣醉人
賞遂時新道與神會恨無幽人同此玄解公孫智種
靈苗曠劫斯植冲襟若谷湛氣同蘭朱門雖貴不拒
白足玉樹雖珍不棄菅葭蓋妙契玄根窮極理窟非

凡情所能測也蓮花峯者嶽中蘊奇之區猿鳥絕蹟
蛇虎所都幽花細草四時恒馥冬溫夏涼諸天共美
其下方廣寺適居巖奧密蘿繡幌古井瑩神老僧三
四禪誦不輟信遺世玩道遊心玄漠者已貧道見德
思齊葺宇其側公孫如能乘彩鸞飛寶蓋暫來隨喜
則松桂之貞水石之麗可寓目而理存非文言能盡
其妙也

粟香四筆卷八

江陰 金武祥 荏生

三國志裴松之注引書目見趙氏翼廿二史劄記文

選李善注引書目見汪氏師韓文選理學權輿中太

平御覽所引書目見原書卷首後漢書章懷太子注
徵引繁富凡四百三十八種唐以前遺文佚簡往往

而在 國朝諸老輯錄古書多取資於此而無人臚

載所引書目亦屬闕憾茲仿汪氏師韓體例分別部

居錄之於右其續漢志劉昭注引書目亦附載焉庶足備搜輯殘賸之資云爾

後漢書李賢注引書目

經類 一百十三種

易

京房易傳

鄭元易注

王弼易注

易乾鑿度

鄭元易乾鑿度注

易坤靈圖

易稽覽圖

鄭元易稽覽圖注

易通卦驗

尙書

尙書大傳

鄭元尙書注

孔安國尙書注

尙書中候

鄭元尙書中候注

尙書考靈曜

鄭元尙書考靈曜注

尙書璇璣鈴

洪範五行傳

詩

詩小序

詩毛萇註

鄭元詩注

孔阜詩注

詩義疏

詩草木鳥獸蟲魚疏

魯詩傳

韓詩外傳

薛君韓詩章句

詩汜歷樞

詩含神霧

周禮

鄭元周禮注

杜子春周禮注

周禮陳注

儀禮

鄭元儀禮注

禮記

鄭元禮記注

蔡邕月令章句

大戴禮

三禮圖

禮含文嘉

禮稽命徵

琴操

古今樂錄

樂叶圖徵

春秋左氏傳

左傳杜預注

春秋公羊傳

公羊傳何休注

春秋穀梁傳

穀梁傳范甯注

春秋演孔圖

宋均春秋演孔圖注

春秋保乾圖

宋均春秋保乾圖注

春秋感精符

宋均春秋感精符注

春秋說題辭

宋均春秋說題辭注

春秋運斗樞

鄭元春秋運斗樞注

春秋漢含孳

春秋考異郵

宋均春秋考異郵注

春秋合誠圖

宋均春秋合誠圖注

春秋命歷序

宋均春秋命歷序注

春秋文曜鉤

宋均春秋文耀鉤注

春秋元命苞

春秋潛潭巴

春秋佐助期

春秋內事

樂資春秋後傳

董仲舒春秋繁露

論語

馬融論語注

鄭元論語注

何晏論語注

論語撰考識

孟子

趙岐孟子注

孝經

孝經援神契

孝經鉤命決

爾雅

李巡爾雅注

孫炎爾雅注

郭璞爾雅注

五經通義

五經要義

說文

蒼頡篇

蒼頡解詁

史游急就篇

方言

郭璞方言注

劉熙釋名

韋昭辨釋名

廣雅

埤蒼

廣蒼

郭璞三蒼注

張揖字詁

字林

字書

周成雜字

何承天纂文

緯本文

史類 一百八十九種

史記

徐廣史記音義

漢書

韋昭漢書音義

蕭該漢書音義

晉灼漢書注

姚察漢書注

東觀漢記

謝承後漢書

薛瑩後漢記

司馬彪續漢書

華嶠漢後書

謝沈後漢書

袁山松後漢書

蕭該後漢書音義

魚豢魏略

或稱
典略

陳壽三國志

韋昭吳書

張勃吳錄

晉書

沈約宋書

蔡邕禮樂意

董巴輿服志

范曄序例

竹書紀年

荀悅漢紀

袁宏後漢紀

張璠後漢記

獻帝春秋

漢春秋

魏氏春秋

干寶晉紀

周書

晏子春秋

國語

賈逵國語注

韋昭國語注

戰國策

高誘戰國策注

古史考

通史

伏侯古今注

崔豹古今注

帝王世紀

楊雄蜀王本紀

吳越春秋

袁康越絕書

沈懷遠南越志

劉艾獻帝紀

樂資山陽公載記

九州春秋

吳祿

孫盛蜀譜

常璩華陽國志

獻帝起居注

山海經

郭璞山海經注

水經

酈道元水經注

三輔黃圖

三輔舊事

地理志

顧野王輿地志

太康地理志

劉澄之地記

關駟十三州志

東南十二州志

南中志

南中八郡志

周地圖記

陸機洛陽記

楊龍驤洛陽記

楊銜之洛陽記

漢宮闕疏

漢宮殿名

洛陽宮殿簿

洛陽宮閣名

郭緣生述征記

裴松之北征記

戴延之西征記

宋武北征記

伍緝之從征記

周處風土記

顧夷吳地記

孔靈符會稽記

盛宏之荊州記

陳留風俗傳

陸翹鄴中記

聖賢冢墓記

東方朔十州記

習鑿齒襄陽記

李膺益州記

裴氏廣州記

湘州記

郭仲產秦州記

辛氏三秦記

沙州記

伏琛齊地記

劉欣期交州記

梁州記

西河舊事

鄧德明南康記

關中記

錢塘記

仇池記

黃閔武陵記

長安記

張曜中山記

沈瑩臨海水土志

東方朔神異經

萬震南州異物志

海臨異物志

楊孚異物志

河圖

河圖括地象

荊州圖

外國圖

廩記

徐衷南方草木狀

世本

代本

應世譜

王氏譜

何氏家傳

劉向別錄

劉歆七略

摯虞文章志

今書七志

王愔文志

漢武故事

西京雜記

東京故事

應劭漢宮儀

衛宏舊漢儀

漢儀注

蔡質漢典職儀

胡廣漢制度

丁孚漢儀式

漢雜事

徐廣輿服雜注

或稱車服注

周遷輿服雜注

摯虞決疑要注

謚法

漢律

白虎通

漢名臣奏

魏武奏事

魏臺訪議

趙岐三輔決錄

摯虞三輔決錄注

海內先賢傳

先賢行狀

楚國先賢傳

汝南先賢傳

陳留耆舊傳

濟北先賢傳

襄陽耆舊記

益部耆舊傳

青州先賢傳

零陵先賢傳

漢末名士錄

虞溥江表傳

嵇康聖賢高士傳

皇甫謐高士傳

劉晝高才不遇傳

逸人傳

烈士傳

英雄記

張騫文士傳

劉昭幼童傳

劉向烈女傳

劉向列仙傳

葛洪神仙傳

魏文帝列異傳

漢武內傳

鄭元別傳

郭泰別傳

蔡邕別傳

孔融家傳

鍾離意別傳

董卓別傳

曹瞞傳

華陀別傳

茅君內傳

外國傳

哀牢傳

天竺國記

釋法顯遊天竺記

焦僥國語

子類 八十二種

孔子家語

王肅家語注

荀子

孔叢子

魯連子

陸賈新語

賈誼新書

新序

說苑

論衡

潛夫論

桓寬鹽鐵論

桓譚新論

蔡邕獨斷

揚雄法言

李軌法言注

典論

傅子

太公金匱

太公六韜

太公兵法

太公陰謀

司馬法

孫子

黃石公三略

黃石公記

管子

商君書

韓非子

慎子

尹文子

墨子

老子

老子河上公注

莊子

莊子司馬彪注

列子

文子

抱朴子

呂氏春秋

高誘呂氏春秋注

淮南子

許慎淮南子注

高誘淮南子注

尸子

關子

鵠冠子

古冶子

蘇子

顏氏家訓

郭義恭廣志

汜勝之書

范子問計然

黃帝素問

神農本草經

吳普本草

黃帝泰階六符

天文要集

麻法

九章算術

陰陽書麻法

洛陽甄耀度

翼氏風角

赤伏符

孫柔之瑞應圖

遯甲開山圖

真人水鏡經

相書

馬援銅馬相法

張華博物志

應劭風俗通義

服虔通俗文

干寶搜神記

續齊諧記

玉璽譜

藝經

鮑宏博經

鮑宏纂經

太平經典

本行經

涅槃經

維摩經

集類

五十四種

楚辭

王逸楚辭注

司馬相如集

班固集

朱穆集

揚雄集

馮衍集

孔融集

張衡集

馬融集

蔡邕集

陳琳集

文帝詔

景帝詔

宣帝詔

鄒陽上書

甘茂對秦武王

枚乘諫吳王書

賈誼上書

朱雲奏

路溫舒上疏

王褒四子講德論

蔡邕論略

曹植辨道論

王褒碧雞頌

崔瑗中壘校尉箴

蔡邕光武碑文

蔡邕祖攜碑文

張衡靈憲序

李陵書

馮衍與陰就書

馮衍與婦弟任武達書

馮衍與宣孟書

陳琳爲袁紹檄豫州文

宋玉高唐賦

司馬相如子虛賦

司馬相如上林賦

司馬相如大人賦

揚雄羽獵賦

揚雄甘泉賦

揚雄長楊賦

左思蜀都賦

傅元琴賦

伏滔長笛賦

古樂府

古詩

武帝秋風詞

王仲宣詩

王僧孺詩

枚乘七發

薛綜西京賦注

薛綜東京賦注

郭璞子虛賦注

張載蜀都賦注

續漢志劉昭注引書目

經類

京房易傳

易緯

古文尚書

尚書孔安國注

尚書大傳

毛詩譜

韓詩外傳

春秋左氏傳

杜預春秋左傳注

服虔左傳注

杜預春秋長厯

公羊傳

公羊何休注

穀梁傳

穀梁苑甯注

春秋繁露

春秋感精符

春秋考異郵

春秋漢含孳

春秋潛潭巴

宋均春秋鉤命決注

馬融周禮注

鄭司農周禮注

鄭元周禮注

于寶周禮注

鄭元儀禮注

盧植禮記注

鄭元禮記注

月令章句

大戴禮

禮稽命徵

禮含文嘉

論語摘輔象

宋均孝經援神契注

熊周五經然否

樂叶圖徵

阮籍樂論

史類

史記

徐廣史記注

應劭史記注

漢書服虔注

文穎漢書注

臣瓚漢書注

晉灼漢書注

薛瑩後漢記

袁山松後漢書

謝承後漢書

張璠後漢紀

魏志

蜀志

續漢書

謝沈後漢書

東觀記

袁宏後漢紀

魚豢魏略

何法盛晉書

漢晉春秋

魏氏春秋

獻帝起居注

獻帝傳

漢官儀

漢官名秩

漢官目錄

蔡質漢儀

胡廣漢儀注

應劭漢官儀

丁孚漢儀

漢舊儀

荀綽晉百官表注

晉公卿禮秩

賀循藉田儀

封禪儀

伏侯古今注

三輔故事

三輔黃圖

原省三輔二字

皇覽

漢律金布令

漢祠令

越絕書

汲冢書

山海經

郭璞山海經注

晉太康地道記

晉元康地道記

晉地道記

戴延之西征記

楊佺期洛陽記

潘岳關中記

辛氏三秦記

華陽國志

伏滔北征記

羅含湘中記

陳留志

滎陽郡記

始安郡記

釋慧遠廬山記

任豫益州記

荊州記

巴漢記

巴記

吳興記

豫章記

王範交廣春秋

交州記

上黨記

南中志

張氏地理傳

帝王世紀

襄陽耆舊傳

英雄交爭記

英雄記

廣州先賢傳

李氏家書

梁冀別傳

劉向別錄

子類

白虎通義

原省義字

石渠論

蔡邕獨斷

說苑

新論

應劭風俗

呂氏春秋

淮南子

莊子

列子

太公六韜

太公陰符

干寶搜神記

廣志

博物記

張衡渾儀

張衡靈憲

何承天厯

星經

荊州星經

石氏星經

星德傳史

星紫宮占

黃帝占

巫咸占

韓楊占

郝萌占

京房占

水變占

粟香四筆

卷八

三

集類

班固集

魏文帝詔

晉武帝詔

薛綜二京賦注

衛瓘吳都賦注

東京賦

南都賦

離騷

杜篤被襖賦

蔡邕戍邊上章

蔡邕議

幽州秀才張髦上疏

董仲舒奏江都王

朱浮上疏

方儲對策

蔡邕樊陵頌

李尤城門銘

傅元乘輿馬賦注

江陰申港繆氏譜二十卷光緒己丑年脩有繆氏得
姓考云繆氏出自魯繆公之後以諡爲氏史記孟子
書穆通作繆諡法考布德執義曰穆申情見貌曰穆
音木美諡也今通書作繆諡法考名與實乖曰繆其
行誼與魯繆公未合元戴彥肅題吾宗譜端辨有云
秦穆公書錄秦誓蒙毅傳不應罪其殺三良棄百里

奚魯穆姜書於春秋列女傳不宜譏其性慧行亂而
皆改從繆吳之謚秦魯臣子亦不應以惡謚加其所
尊謂宜於譜直書穆氏爲合於古然姓纂宋穆公之
後以謚爲氏胡三省云楚子重子辛出於穆王楚人
謂之二穆故楚有穆姓路史云穆炎帝後魏官氏志
云後魏上穆陵氏改爲穆氏若徑改爲作穆不與諸
穆氏無別乎有謂出自秦穆公者林寶鄧名世從之
然瑯琊蘭陵東海三望皆在於魯其爲魯後無疑張

尉姓氏尋源早斥林說爲不確矣繆氏之著名舊史者自史漢儒林傳蘭陵繆生始楚元王交傳作穆生至魏有尙書光祿勳襲字熙伯東海人鄧名世云繆生之後襲父斐以孝稱見宋躬孝子傳子悅事晉位光祿大夫悅子中書令播散騎常侍太僕肩夾輔王室爲國盡忠見害東海朝野憤惋若秘書監徵博士蔚通論語者協音禮記者炳麤彬風雅輝映一時自是厥後五宗衰矣魏時有儼與彭城劉氏才望畧等

弟子襄賁子承先承先子伏波將軍羽林監彥植恭
愼長厚爲時所稱有唐一代絕無聞人惟師愈以著
書名見歐陽修集古錄寶刻類編浙江山陰有開成
五年往生碑碑陰繆姓者五人皆細民嗣後北方不
數數見而南省漸有聞人自北而南其隋唐之際與
閩書福安繆家埔山有繆氏子六歲能文開元中以
神童召試有掘其山者流出淡血人遂不顯并名字
亦翳如至宋長溪一族登進士者三人特奏名七人

四明一族鄉舉者二人文子承象山之傳主一衍西山之緒潛心著述身隱名高元時信州一族聚居土饒靈山之陽謂之繆源沿江棧宜君珪最有名君珪族子若鳳天台教授得台黃巖平陽長溪之譜以序其世次出江南之近年上溯戰國以達於魯穆戴表元爲序明初同簽樞密院事大亨輔太祖定天下有將才左諭德昌期孤忠亮節起頑立懦餘若浙江山陰定海福建福安連江江蘇溧陽金壇常熟泰州廣

東雲南四方散居至五宗江陰譜系始於元苔石公
鑑隱居不仕以詩名宋明邵史煜殉建文之難再上
卽無可考爰取上自西漢下至於明搜得一百十餘
人名之曰繆氏考古錄而叙得姓之繇以冠其首云
又云漢書穆生儒林傳作繆生又通作謬薄謬忌卽
繆忌至作誘忌則繆之謫也繆彤姓氏書辨證繆氏
作繆彤謬字謬彤

又云唐前諸人均出蘭陵惟宦者繆賢出於趙後漢

繆彤召陵人皆別族無可考

江陰六氏譜四卷修於嘉慶年間系出浙江台州府甯海縣本姓方氏宋初元英處士居邑之侯城里至明初靖難兵起方正學櫻難赤族魏興史澤及袁柳庄匿公幼子名朗冒母姓爲陸轉徙至江上僑寓蔡涇鎮之庄基村又姓劉旣而念存方氏之半易陸爲六明史據成祖實錄言正學無後蓋當時有十族之誅匿孤一節未敢陳明也

又云正學公凡四子長中靈次中愈均殉難自經第三子名明字德宗公殉難時年方九歲與朗同爲魏典史所匿避地雲間今松江俞姓一支是也朗其第四子云武祚謹按明史方孝儒傳言孝儒絕無後惟孝復子琬釋爲民世宗時松江人余斌自稱孝孺後一時士大夫信之爲纂歸宗錄旣而方氏察其僞乃已國朝汪有典史外據朱氏國楨遜國臣傳以德宗爲僞辨之甚悉此則先因仇人繼則豔慕卹錄以

致結訟揭奏朱氏在政府親正其訛德宗之僞已定
至六之本於方初非有所豔慕轉輾由陸劉而爲六
存此一綫不絕未始非天之默佑忠臣也

江陰卞氏譜十卷嘉慶己未年修略言卞莊子以勇
稱於聖門延及晉將軍盡以忠貞著二子眡盱以節
孝聞眡後數十傳徙蜀至宋興又徙汴靖康之亂中
州華胄多南遷於常州則有尙書長卿於江都則有
狀元嗣宗長卿之後居常州南鄉之勝西元至治時

又由勝西分居江陰東鄉之陶城明進士戶部郎中
卞榮字伯華其裔也蘭堂詩集其祠尙有藏板云

蘭堂詩集六卷補遺三卷雍正癸丑爲其族裔采京
輯錄有無錫唐誠序云舊本體類參差尤多魯魚采
京屬余訂校因稍刪十一重錄之五七言古詩僅有
存者而五律獨失通諸體凡得七百三十首又銘贊
三十六首分爲六卷云至乾隆庚辰鐫板始有補遺
三卷按薛堯卿爲蘭堂墓誌云公所著詩門生吳綖

刻以行世

提要作門人
無錫吳健刊

澄江詩選云蘭堂集七卷幾

二千篇易代後傳本甚稀采京所輯及補遺已非原本唐序稱五律獨失而江上詩鈔所錄古近體一百六十六首中有五律五首不知所據何本也

周昉叔都轉嘗爲言陽湖許泰眉徵君詩詞余未有以應近年始出吾鄉郵寄東夫山堂詩選八卷三摺老屋詞一卷蓋莊俊甫學博得其遺稿陸彥和明經爲撰事略武進陽湖邑宰金螺青金樺蓮兩大令爲

集費用活字板印行者也徵君名棫字太眉一字夢
西世居陽湖馬蹟山其詩盤空硬語神似杜韓三樞
老屋詩序云所居樞樹三大各百圍蔭半其晷曰牛
筋俗所嬾然稽之詩雅箋疏曰杻曰櫪曰萬歲亦曰
牛筋蓋宋始祖叔微公扈蹕南渡翦茅卜隱手植以
庇子若孫焉閱今七百餘年流澤遠矣予以其枝幹
堅韌有節甯老於是不乞世用與老屋之欹側兀傲
於萬頃波濤間而若天特全之者適相類也名予屋

而謂之謫云植根不死混沌前三樞棄擲荒江邊直
舒古翠蔭大地下有老屋突兀撐人間此屋蒼莽無
人憐萬里獨立枯崖顛空香漠漠吹大古幽夢杳杳
生孤妍蕭慘卷曲幾千尺鐵葉銅皮裹心赤九霄日
月堪孤擎萬劫風雷不能蝕我祖扈蹕南渡江手爲
朝廷植棟樑身具邱山萬牛力欲回殺運扶皇綱紅
羊白雁俄反覆轉眼三朝又移局此材不使登明堂
偃蹇空山老謫哭吁嗟乎秦家松漢家柏磊砢捎雲

天所植當時曾覆阿房未央數百里一炬摧燒後人
惜三樞三樞汝莫哀世無萬年不朽之巨室亦無三
顧不出之賢才高人隱士未必盡無用正以不用全
其材君不見出門一步卽塵世水火刀兵吁可憐不
如媚此老屋萬古春一任骨骸槎枒挂天地

東鷗詞與三樞詞唱和極多余旣刻東鷗詞復錄三
樞詞數首念奴嬌和叔雲題予詞草云九州莽莽有
幾人腕底能飛翮颺寂寞湖山容我老放眼大江南

北君是何人軒騰奇氣醉把青天兀怒潮萬里驅來
紙上都立我欲踢倒銅山銷完金印鑄個人兒鐵
凭仗斫鯨屠鱓手來補東南天缺莫把雄心金尊檀
板付與蕭閒客劍華紅處蘇臺兒女應識又題叔雲
太史及令弟季旣合照云茫茫海內有幾人能使老
樞心折早遇諸昆甘退舍又見二難英絕落紙千言
填胸萬卷倒捲之江渴填簾有此吹來凡響都裂

憶昔叔甫能文季猶卅角玉笋班同列十載重逢驚

刮目閭苑神駒初秣弱弟才華駸駸欲度終看金門
謁獨餘潦倒一竿擔盡風月

武進高麗中名宅場當庚申城陷首受賊刃僅而獲
免寄跡淮上旋客山左憂時感事好爲詩歌梓有味
蓼軒詩鈔七卷浮生云眼底兵戈滿浮生竟若何江
山餘涕淚天地入悲歌民氣東南盡妖氛西北多軍
興逾十稔事業惜蹉跎詠懷云偉抱詩人託高名飲
者留秋風工部屋明月謫仙樓宇宙遺荒蹟江山盪

古愁蒼茫一淩眺身世感沈浮其他亦多怨慟之語
讀者悲之

余攝赤溪擬撰雜誌以紀山川風俗人物土產家

君就養暇輒吟詩以紀汪憬吾孝廉屬而和之武祥
亦率兒輩步韻數月間得古近體已將百篇名曰霞

城唱和集久當彙刻之家君詩如登眺偶成云萬

疊峯巒繞巖壑氣象雄九州炎微盡一覽大瀛東

赤溪

三面皆山惟

東面距海官柳經秋碧蠻花破臘紅老夫占物候

扶杖快吟風衙齋卽事云山色牆頭似畫圖一庭花

木稱清娛下帷住客詩頻和

謂汪孝廉

繞膝曾孫杖可扶

蔭美垂簷排密篠蔬香入饌有甘瓠歐陽公府如僧

舍恰好持齋有老夫武祥有野望七律云運甓辛勤

漫學陶偷閒曳杖又東皋橫塘霧白春撈蜺

蜺生於霧荒

島波紅夜種蠔

種蠔者以石燒紅投海蠔生其上謂之人蠔

澗曲平分雙

派遠

分水回一流赤溪一流田頭廳境水源此爲最遠

山多獨湧一峯高

謂

峯歸來閉閣哦詩罷快煮尖團醉濁醪

境產蟹團臍烏膏蟹尖臍

爲肉蟹四月卽錄數首以誌大槩
肥滿膏蟹尤美

余赤溪春日雜詠四律云下車輿誦愧陽春鄒魯還

期闕海濱教雜華夷宜善俗

地近澳門有法國教堂三處

職兼守

令倍親民雲山繞郭都如畫風雨開亭好閭津

倡捐在渡

頭建亭

且喜日長衙放早窺人鳥雀亦能馴欲從金石

攷遺文遍採圖經證舊聞

現擬創纂廳志

百里厓門山近接

千年燧崗水中分碑傳南宋忠臣廟

銅鼓有劉公師勇廟草沒

西岡孝女墳

明趙孝女廟在田頭西岡

欲向偏隅表風俗不辭酌

酒帟斜曛蝸角居然共息爭廿年草昧費經營鴻溝
有界千村靜鯨海無波萬里平難得公庭稀訟事好
從蠻俗聽歌聲六門以外誇形勢桑土綢繆孰論兵
赤溪爲大門以外要地海疆有事厚集水師可資援
應且敵可由此取道新甯入省則陸路亦宜設防劉
中丞詢問地方形勢曾具牘陳之
矯首東瀛此大觀襟懷浩蕩海天

寬行歌南澗攜瓢汲坐對西山挂笏看嶺秀墨蘭先

入室

曹峯尖
產墨蘭

分甘紫菜慣登盤

銅鼓海
產紫菜

能燒官燭閒

無事自詠風詩笑素餐

黃花多言秋菊而張翰黃花若散金則言茱花紅樹
多言楓相而王維坐看紅樹不知遠則言桃花若霜
葉紅于二月花則寫秋景而以春色爲比余三月游
赤溪白鷺潭有記云野卉綻葩黃若寒鞠新柯吐葉
紅逾霜楓則又寫春景而以秋色爲比矣

雲南近有兩詩人焉一爲劍川趙樾村

潘

宋梓儕太

守嘗郵示其向湖村舍詩十二卷一爲石屏朱筱園
庭珍劉克升大令嘗出示其穆清堂詩三卷並詩話

四卷二君蓋如驂之靳未易軒輊也全稿佳篇甚多
分錄數首於此

向湖村舍詩過老鷹岩云鴉雀際無聲天陰氣蕭索
何年海東青飛來睨寥廓森然立當面愁胡勢欲搏
想當黃虞代仁風扇六幕毛羽各呈端騶虞並鸞鷟
爾鷹何爲者戕生恣所樂毆之荒服外立地化巖窟
罡風刷羽翼烟霄縱頭角石路細盤雲沿緣若絛縛
過者氣先懾蹶蹶下芒屨嘗恐飽麗去挾我共飛攫

出險幸無恙回頭步猶卻此時憶邊徼行圍雪花落
何當巨靈手臂爾出廣漠爪牙快一試狡兔避霜鏑
鎮壓蜚狐塞長城當衛霍無爲據要路行旅坐驚愕
甲中聞五月偕宋子材諸君集大觀樓成七古並寄
王豹君云滇池萬頃吞天光高樓突兀凌穹蒼情晨
買舟出西郭白驅飛盡蘋風涼登樓不記歲幾度懷
抱一豁神飛揚青鞵布襪有底急世人大笑閒官忙
嗟余比歲窮殊方送江入海浮重洋蜃樓蛟市苦腥

穢寸土乾靜還思鄉頗聞日南蛇豕張紅河半壁開
隄防橫流勢欲匯溟澤堅冰誰識憂履霜濟時群彥
盛謀畫罪言安用排天閭以茲放浪恣遊戲江山風
月增吾狂劉伶醉死葬亦得屈平白好醒無妨多情
好事二三子跌宕亦復爭軒昂興來折柬招卽出長
鯨一吸空千觴哀絲豪竹厭嘈嘶自擊唾壺歌慷慨
歌聲激水水波起倒飛白雨吹衣裳樓前雲霧條開
闔西山紫翠銜斜陽丹梯欲下重躑躅眼中百感來

茫茫天公一日尙干變蒙顛段蹶眞蜩螗神仙可學
學何益但見北海還栽桑浮沈大化一粟耳當前快
意猶差強解人可索仗公等放歌更質郢郢王過城
南弔戰歿者云一戰安危係孤軍覆此邨妖氛群盜
劇熱血幾人存衰草平隄短愁雲故壘昏鬼雄來仿
彿揮涕與招魂饑黎載道感憤成詩云蘆溝渡過又
滹沱滿目哀鴻奈爾何大野沙黃生意盡空林月黑
戒心多難圖慘澹流民稿自倚悲涼烈士歌臺省諸

公共憂國願修人事感天和暮雪偶成云當軒一枯
樹僵立伴清冷簾卷月昏黃照見棲鴉影園中雜詠
云秋海棠開老瓦盆晚涼庭院月黃昏何曾惆悵關
兒女相對無言欲斷魂幾日粗刪目宿盤束脩羊瘦
且加餐賓朋文酒無虛夕誰信先生是冷官溪行云
策蹇無人過板橋斜陽黯黯落江潮寒雅不管秋蕭
瑟猶戀橋南瘦柳條

樾村之配王澹漪夫人名藻湄亦有詩附集中寄外

云願郎多寄書書如見郎面郎有高堂親賤妾何足
念翩翩紅襟燕對話盧家堂鳳凰不比翼安用矜文
章筱園有贈內詩云多才卿似女相如倚枕聯吟曉
夢初一面綠窗三尺案半陳奩具半攤書畫仿歐香
字戲鴻臨池事事苦求工玉臺他日編新詠三絕流
傳女史中惜未附見其詩也

穆清堂詩烏江弔項王作云不學書不學劍叱咤萬
人敵震盪七十戰力拔山氣蓋世時不利騅不逝漢

軍四面楚聲多帳中美人喚奈何屈指平生事事左
不須更怨天亡我一誤不肯都關中再誤不肯殺沛
公三誤不肯渡江東坐令楚漢分雌雄嗚乎金陵自
古帝王都半壁割據眞良圖君不見孫伯符劉寄奴
滇南勝境坊望滇黔諸山作歌云我生足跡半天下
愛以遊覽寬吟胸看山往往得妙悟至理原與詩相
通東岳靈異甲字內巍然高厚兼沈雄朝暮陰晴變
化萬詩家大成尊杜公華嶽神俊等太白恒山奇古

昌黎翁東坡超妙擅千載此境吾獨推高嵩匡廬清
逸黃海峭王孟韋柳將毋同獨嫌黔山太荒誕蛇神
牛鬼欺愚蒙求奇太過理反劣盧仝馬異羞附庸豈
無佳處快偶得篇幅狹隘如江東吾滇山勢最精悍
生面別闢真神工西江法杜略舉似豫州孤詣誰能
窮頻年執筆少心得豁然一旦知正宗天地至文任
領略大觀叠出無稍重縱橫萬狀絕思議造化妙契
神明中精力密運入正法道氣靜鍊歸藏鋒眾流歷

歷買一本先天後起皆包融龍門史借山水助此理
微實非談空請君十年讀破萬卷後再行萬里遍覽
青芙蓉懷孫菊君云詩瘦人逾瘦奇才不救貧與君
俱作客昨夜夢相親羈旅文章賤干戈歲月新窮邊
多瘴癘珍重苦吟身瀕南懷古末一首云萬里分藩
翠海涯粧樓春擁後庭花攀龍死負山頭雀躍馬生
追井底蛙故妓漫歌金縷曲荒墳難覓玉鈎斜奸雄
跋扈今何在暮色蒼涼噪冷鴉

後園論詩絕句五十首及詩話皆見卓識惟詆訶前輩有過當語詩話中言阮亭三國小樂府中一首云長揖橫刀出將軍一世雄頭顱行萬里失計殺田豐此首詠袁本初事其病全在三句夫長揖橫刀而出及殺田豐皆言袁紹事而第三句忽用公孫康語史載紹子尚及熙敗奔遼東見公孫康天寒求坐席康曰汝頭顱將行萬里何席之有是頭顱行萬里乃紹子熙尚非紹身也今用此語緊承將軍一世雄句下

文又接失計則似袁紹之頭顱真行萬里因失計殺
田豐而貽誤喪身者然文義相左與事不符若謂此
句指紹子則前後均言紹事前既無根後又無接何
以憑空插入未免突兀少緒上下竟不相貫若言紹
則紹未斷頭也三國事何致誤記爲酌改曰兒頭行
萬里遺恨殺田豐只換三字詞意顯豁上下貫串矣
云云余謂兒頭二字未能如遺恨二字之渾成也

筱園詩話載浙江吳牧騶太守 仰賢 昆明懷古詩云

白哲通侯舊建牙包胥痛哭到天涯入關壯士追秦
鹿出塞單車載帝邦故妓分香猶有夢奸雄拔扈已
無家淒涼新府滄桑換興廢誰憐井底蛙此詩與筱
園萬里分藩一首皆詠吳三桂事工麗亦相似

近時吾鄉刊有三君子集楊範甫明經序之三君子
者張曉帆范孟和秦潛叔潛叔之詩余已錄於第六
卷矣曉帆名乃勲武進諸生少居錫山塞下曲云黃
雲秋黯黯筆策沸山城空壁朝爭寨搜巖夜研營冰

膠竝欲折霜壓鼓無聲誓繫單于頸終童尙請纓湖
上云湖上晴光散彩霞竹籬茅舍近村家槎枒庭樹
老無葉爛漫山楓豔似花燈影板橋齊照蟹鐘聲野
寺欲棲鴉竭來欲借徐熙手此景圖成儘足誇芙蓉
湖云疊疊山雲近可呼中含水氣更模糊欲看雨雨
風風態春柳須栽一萬株摘句五言如浮萍滿牛背
浴罷時尾掉帆輕爭去鳥櫂響起眠鷗聚廬宗族重
負米子孫賢七言云石上苔衣留鶴迹壁間蔓帶走

龍形魑魅郊游山月黑
髑髏野卧土花紅
眼中親友
新成塚夢裏田園忽已墟

孟和名釣金匱縣人以食餼貢成均與曉帆同豪於
飲均年四十卒斷飲云昔我酒當藥今我藥當酒酒
能療我愁藥徒苦我口自惟德二三難免麴生咎儀
狄未產前豈必皆上壽百年亦須與窮達幻雲狗此
意非不明而胡畏病朽所恨生成恩涓滴報未有醒
眼望青天晨昏一搔首蠟梅云繁英冷蕊費評量惜

比兼金意正長一樹斜陽酣古色三更殘月近寒香
檀心暗洩陽春信磬口低含昨夜霜休說嚼花同嚼
蠟最宜清味沁詩腸三子詩皆超俊絕俗而孟和存
稿不及百首爲最少云